



CÚIRT
INIÚCHÓIRÍ
NA hEORPA

**TEACHTAIREACHT MAIDIR LE FAISNÉIS A FHOILSIÚ
A BHAINNEAN LE GNÍOMHAÍOCHTAÍ GAIRMIÚLA IAROIFIGEACH SINSEARACH
TAR ÉIS DÓIBH AN tSEIRBHÍS A FHÁGÁIL**
An tríú mír agus an ceathrú mír d’Airteagal 16 de na Rialacháin Foirne

Tuarascáil Bhliantúil 2020

1. An creat rialála

Faoi Airteagal 16 de na Rialacháin Foirne, leanfar den cheangaltas a bheith ar oifigigh, tar éis dóibh an tseirbhís a fhágáil, iad féin a iompar le hionracas agus le discríd maidir le glacadh le ceapacháin nó sochair áirithe. Ní mór d’aon iaroifigigh a bhfuil sé ar intinn acu gabháil do ghníomhaíocht ghairme laistigh de dhá bhliain ón tseirbhís a fhágáil a n-iar-institiúid a chur ar an eolas faoi sin ionas gur féidir léi a chinneadh cé acu a dhéanfaidh nó nach ndéanfaidh sí an ghníomhaíocht sin a chosc nuair is gá nó cead a dheonú (faoi réir srianta, i gcás inarb iomchuí).

Leagtar síos sa tríú mír d’Airteagal 16 de na Rialacháin Foirne go gcuirfidh an tÚdarás Ceapacháin, i bprionsabal, cosc ar iaroifigigh shinsearacha, le linn an 12 mhí tar éis dóibh an tseirbhís a fhágáil, gabháil do bhrústocaireacht nó do thathant maidir le foireann a n-iar-institiúide le haghaidh a ngnó, a gcliant nó a bhfostóirí ar ábhair a raibh siad freagrach astu le linn na dtrí bliana deiridh a d’oibrigh siad sa tseirbhís.

Ceanglaítear leis an gceathrú mír d’Airteagal 16 de na Rialacháin Foirne ar gach institiúid, i gcomhréir le Rialachán (CE) Uimh. 2018/1725¹ ó Pharlaimint na hEorpa agus ón gComhairle, faisnéis a fhoilsiú gach bliain maidir le cur chun feidhme an tríú mír, lena n-áirítear liosta de na cásanna a measúnaíodh.

Anseo thíos, míníonn Cúirt Iniúchóirí na hEorpa na critéir a roghnaigh sí chun cur chun feidhme na hoibleagáide sin a áirithiú agus cuireann sí an anailís uaithi i láthair. Sa teachtaireacht seo, tugtar achoimre ón gCúirt maidir leis na cinntí lena mbaineann.

Bunaíonn an Chúirt a nochtadh ar an gceathrú mír d’Airteagal 16 de na Rialacháin Foirne, in éineacht le Rialachán (AE) 2018/1725.

¹ Rialachán (CE) Uimh. 2018/1725 ó Pharlaimint na hEorpa agus ón gComhairle an 23 Deireadh Fómhair 2018 maidir le daoine nadúrtha a chosaint i ndáil le sonraí pearsanta a phróiseáil ag institiúidí, comhlachta, oifigí agus gníomhaireachtaí an Aontais Eorpaigh agus maidir le saorghluaiseacht sonraí den sórt sin, agus lena n-aisghairtear Rialachán (CE) Uimh. 45/2001.

2. Na critéir a chuirtear i bhfeidhm le haghaidh chur chun feidhme Airteagal 16(3) de na Rialacháin Foirne

An sainmhíniú ar oifigigh shinsearacha

I gcomhréir leis an tríú mír d'Airteagal 16 de na Rialacháin Foirne, is iad na catagóirí foirne seo a leanas atá i gceist:

- An tArd-Rúnaí
- Stiúrthóirí
- Sainchomhairleoirí
- Cinn ar Oifigí Príobháideacha Ball Foirne²

An tréimhse lena mbaineann

Tagraítear sa tríú mír d'Airteagal 16 de na Rialacháin Foirne do ghníomhaíocht sheachtrach a chomhlíonann iaroifigigh shinsearacha “le linn na 12 mhí tar éis dóibh an tseirbhís a fhágáil”.

Dá bhrí sin, is í sin an tréimhse a áirítear chun críocha an nocht a éilítear sa cheathrú mír d'Airteagal 16.

Na gníomhaíochtaí gairme lena mbaineann

Na gníomhaíochtaí a gcuirtear síos orthu in Airteagal 16 de na Rialacháin Foirne, is iad sin na gníomhaíochtaí arb ionann iad agus brústocaireacht nó tathant maidir le foireann institiúid na n-iaroifigeach sinsearach le haghaidh a ngnó, a gcliant nó a bhfostóirí ar ábhair a raibh siad freagrach astu le linn na dtrí bliana deiridh a d'oibrigh siad sa tseirbhís. I bprionsabal, cuirfidh an tÚdarás Ceapacháin cosc ar ghníomhaíochtaí den sórt sin le linn an 12 mhí tar éis don duine an tseirbhís a fhágáil.

Ní dhéanann an Chúirt í féin a theorannú chun anailís a dhéanamh ar cheapacháin lena mbaineann brústocaireacht nó tathant amháin mar a bpríomhghníomhaíocht. I gcomhthéacs an tríú mír d'Airteagal 16 de na Rialacháin Foirne, déanann an Chúirt breithniú freisin ar ghníomhaíochtaí nach raibh brústocaireacht nó tathant i gceist leo tráth a cuireadh an dearbhú isteach ach a bhféadfadh, go teoiriciúil, brústocaireacht nó tathant a bheith i gceist leo amach anseo.

Ní chumhdaítear leis an bhfaisnéis a chuirtear i láthair thíos dearbhuithe a fuarthas maidir le gníomhaíochtaí nach mbaineann brústocaireacht nó tathant leo mar gheall ar chineál na ngníomhaíochtaí atá i gceist.

Foilsíonn an Chúirt faisnéis ar a láithreán gréasáin ([Trédhearcacht - an leathanach gréasáin eitice](#)) maidir le cur i bhfeidhm an tríú mír d'Airteagal 16 de na Rialacháin Foirne, lena n-áirítear liosta de na gníomhaíochtaí gairme ar mheasúnaigh an tÚdarás Ceapacháin iad agus ainmneach na n-iaroifigeach sinsearach lena mbaineann.

Foilsítear tuarascáil bhliantúil ar chur chun feidhme an tríú mír d'Airteagal 16 de na Rialacháin Foirne maidir leis na gníomhaíochtaí gairme a formheasadh le linn na bliana céanna.

² Leathnaíodh an sainmhíniú ar oifigigh shinsearacha an 1 Meán Fómhair 2017 chun go n-áireofaí leis na Cinn ar Oifigí Príobháideacha. Ní raibh siad san áireamh roimh an dáta sin.

Nós imeachta cinnteoireachta maidir leis an tríú mír d'Airteagal 16

Caitear ar an gcaoi chéanna le dearbhuithe maidir le gníomhaíochtaí gairme ag oifigigh shinsearacha tar éis dóibh an Chúirt a fhágáil agus mar a chaitear le haon dearbhú maidir le gníomhaíocht ghairme sheachtrach ag aon iarbhall foirne.

Is í an Stiúrthóireacht Acmhainní Daonna, Airgeadais agus Seirbhísí Ginearálta a fhaigheann an dearbhú. Má tá féidearthacht ann go bhfuil nasc díreach nó indíreach idir an gníomhaíocht agus dualgais iaroifigigh shinsearaigh le linn a dtrí bliana deireanacha ag an gCúirt, nó idir an gníomhaíocht sin agus an obair a rinne siad ina hiarsheirbhís/ina hiarsheirbhísí nó i seirbhís na Cúirte, iarrtar tuairim iarsheirbhís/iarsheirbhísí an iaroifigigh agus tuairim na Seirbhíse Dlí. Rachfar i gcomhairle leis an gComhchoiste nuair is gá freisin. Glacann an tÚdarás Ceapacháin a chinneadh deiridh ar bhonn na dtuairimí éagsúla sin.

An líon gníomhaíochtaí lena mbaineann

Ag cur san áireamh go bhféadfar gach fógra (agus dá bhrí sin, gach cinneadh) tagairt d'ilghníomhaíochtaí, tá an fhaisnéis thíos á miondealú ag an ngníomhaíocht atá á scrúdú, chun go soláthrófar forléargas uileghabhálach.

3. Cásanna sonracha

Baineann an teachtaireacht sin le gníomhaíochtaí a dhearbhaigh iaroifigigh agus a rinne siad ina dhiaidh sin.

In 2020, d'fhág beirt iar-oifigeach sinsearach CIE, agus dhearbhaigh duine acu go raibh sé ar intinn aige tabhairt faoi gníomhaíochtaí gairme. Ós rud é gur fhág an t-oifigeach sinsearach sin an Chúirt in 2020, cuireadh isteach an t-iarratas uaidh le haghaidh údaraithe go cuí laistigh de 12 mhí ó fhágáil na seirbhíse dó.

Liostaítear sna míreanna seo a leanas mionsonraí na beirte iaroifigeach sinsearach mar aon leis an ngníomhaíocht ar dhearbhaigh duine amháin acu í.

Deireadh seirbhíse: 31.05.2020

Iaroifigeach

Eduardo RUIZ GARCÍA

IarArd-Rúnaí CIE (grád AD 16)

Gníomhaíocht nua

Comhordaitheoir cláir oiliúna – Ollscoil Castilla La Mancha – An Spáinn, Comhalta den Bhord Comhairleach – Fondúireacht FIASEP, An Spáinn, Bainisteoir Tacaíochta Déthaobhach – Tionscnamh Forbartha INTOSAI, an Iorua

Cinneadh

Ós rud é nach raibh brústocaireacht nó tathant i gceist maidir le foireann na Cúirte sa gníomhaíocht ghairme a dearbhaíodh, ní fhaca an tÚdarás Ceapacháin aon chúis lena bhfeidhmíocht a chosc nó a theorannú i gcomhréir le hAirteagal 16 de na Rialacháin Foirne.

Deireadh seirbhíse: 31.12.2020

Iaroifigeach

Philippe FROIDURE

Iar-Stiúrthóir Sheomra III – Gníomhaíocht sheachtrach, slándáil agus ceartas, IarArdrúnaí eatramhach CIE

Gníomhaíocht nua

Neamhbhainteach

Cinneadh

Neamhbhainteach